



Greenland Minerals A/S

**Ujaasinissamut akuersissummik 2010-02-mik tunngaveqartumik  
iluqauteqarnissaq pillugu akuersissut pillugu allatut qinigassatut  
qinnuteqaammut tunngasumik aalajangiineq**

8. september 2023  
case no. 2023 - 4265  
doc. no. 23011166

PO Box 930  
3900 Nuuk  
phone (+299) 34 68 00  
E-mail: asn@nanoq.gl  
www.govmin.gl

**1. AALLARNIUT**

Kujataani Kuannersuarni pīaanissamut akuersissut pillugu Greenland Minerals A/S-ip (matuma kingornatigut "GM"-ip) qinnuteqaataanut 17. juuni 2021-meersup Naalakkersuisut aalajangiussinnermi 1. juuni 2023-meersumi itigartitsinertik nalunaarutigaa. 16. decembari 2022-mit pīaanissamut akuersissut pillugu GM-ip allatut qinigassatut qinnuteqaataanik Naalakkersuisut isummersimanginnerat tassunga atatillugu oqaatigineqarpoq. Matumuuna qinnuteqaatip 16. decembari 2022-meersup maannakkut naammassillugu suliarineqalersimanera Naalakkersuisut nalunaarutigisinnaalerpaat.

**2. PĪAANISSAMUT AKUERSISSUT ALLATUT QINIGASSAQ  
PILLUGU QINNUTEQAAMMUT ITIGARTITSISSUT**

Kuannersuarni suliniummut pīaanissamut akuersissut pillugu allatut qinigassatut qinnuteqaat 16. decembari 2022-meersoq itigartitsissutigalugu Naalakkersuisut nalunaarutigaa.

Aalajangiussineq inaarutaavoq, aqutsisoqarfittullu oqartussaasoqarfimmut allamut maalaarutigineqarsinnaanngilaq. Aalajangiussineq ullormit matuminnga ukiup ataatsip iluani Kalaallit Nunaanni Eqqartuussivimmut siullermeeriffiusumut suliarisassanngortinneqarsinnaavoq, takuuk aatsitassanut inatsimmi § 3 d, imm. 1 aamma 4.

Ataaniipput suliarisamut paasissutissanut pingaarnerpaanut nassuiaatit, kiisalu itigartitsissummut tunngaviliissutaasoq.

### 3. SULIAMIK SAQQUMMIUSSINEQ

1. juuni 2023-mi aalajangiussinermi nassuiarneqartut ujaasinissamut akuersissut 2010/02-mut innersuussuteqarluni Kuannersuarni suliniummut paaanissamut akuersissut pillugu GM ulloq 17. juuni 2019-imi qinnuteqarsimavoq. Qinnuteqaatip taassuma suliarinerata nalaani allatut qinigassatut paaanissamut akuersissut pillugu GM ulloq 16. decembari 2022-mi qinnuteqarpoq. Qinnuteqaammi ilaatigut makku nalunaarsorneqarput:

*“Ulloq 17. juuni 2019-imi tunniunneqartut paaanissamut akuersissut pillugu qinnuteqaammut pioreersumut ilanngullugu matumuuna Greenland Minerals’ip uppersaassut tullinnguuttoq nassiuppa, taannalu ilassutaasut, allatullu qinigassamut akuersissuteqarnissamut iluarsisutip ilanngussornissaanut iluseqartumik paaanissamut akuersissut pillugu qinnuteqaammut pioreersumut allannguteqarnissamut tapersersuutaassaaq:*

1. *Kvanefeld Concentrator and Refinery Simple Process Diagram (Kuannersuarni Kimittusisitsinermut Akuiaanermullu Pisariunngitsut Ingerlatassamut Diagrammi)*

*Ingerlatassamut diagrammi taanna aallarniutigisamut Process Flow Sheet’imut (PFS-imut) (Sulianik Ingerlatsinermut Najoqutassiamut) naleqqiullugu allanngortinneqarpoq, taamaalilluni arortitamut aatsitassanik qaqutigoortunik tunngavilimmit uranip immikkoortinneqarfiatut ingerlataq atorunnaarsitaalluni, taamaalilluni urani paarlattuanik tailingsinik (‘qalipakunik’) toqqorsisarfitut atuuffigisaasut taaguutilimmut inissineqassalluni (Tailings Storage Facility-mut (TSF-imut) (Tailingisinik Toqqorsivittut Atortuut)).*

2. *Avatangiisinut Sunniutaasussanik Nalilersuineq – Flowsheet allatut qinigassaq – ullulerneqartoq 12. decembari 2022*

*Taanna aallaqqaataasut avatangiisinut sunniutaasussanik nalilersuinerimut (VVM-imut nassuiaammut) naleqqiullugu allanngortinneqarpoq, taamaalillutik uranimik tunisassiornerimut, assartuinerimut nioqquteqarnerimullu tunngasut ilaatitat peerneqarsimalerlutik.*

3. *Arcadis Canada Inc.-imit allakkiaq – ullulerneqartoq 9. decembari 2022;*

*Allakkiaq taanna Greenland Minerals'imi suliffiup avataani radiologiskinut (qinngornernut) tunngasunut siunnersuisartunit suliarineqarpoq, Suliniummullu atatillugu urani tunisassiatut pippat, imaluunniit eqqakkatut toqqortarineqarpat qinngornerit annertussusaat annertuumik allanngornaviannginnerat taakkunanit inerniliissutaavoq.*

4. *Akilersinnaassusermut misissuineq allanngortitaq – ullulerneqartoq 14. decembari 2022.*

*Aallaqqaammut akilersinnaassusermut misissuinnermut naleqqiullugu taanna allanngortinneqarpoq, tassani siunertarineqarluni PFS-imik allanngortitamik tassanga atuutsitsilernissaq, aammalu uranimik piareersaatitut suliaqarnermut tunngasut, aammalu uranip qanoq suliaralugulu assartornissaanut (yellowcaketut) tunngasut akilersinnaassusermut misissuinnermiittut peerneqarlutik. Akilersinnaassusermut misissuinnerup allanngortitap taassuma isertuussaasutut, niuerner milu mianersuuttarialittut iluseqarnera pissutigalugu iserfiginissaanut kodemik illersugaavoq. Allagaammut iserfiginissaanut kode tunniunneqassaaq akilersinnaassusermut misissuinnerup allanngortinneqartup taassuma isertuussarinissaanik, aammalu Greenland Minerals'imit allaganngorlugu akuersissuteqarneranik ilaqartinnagu ingerlateqqissannginneranik Naalakkersuisoqarfik uppenarsaateqarsimalerpat.*

*Uppernarsaassummi tassani ilaatinneqartutut allatut qinigassatut akuersissuteqarnermut iluarsisssut tassaavoq iluarsisssut taamaallaat aatsitassat qaqutigootut (flusspatip aamma zinkip) iluaqutigineqarfissaat, uranilu iluaqutigineqassanani, paarlattuanilli mingunnertut peerneqarlunilu TSF-imut inissinneqassalluni. Siuliani nassuiarneqartutut allatut qinigassatut akuersissuteqarnermut iluarsisssummi uranimik suliaqarneq Kuannersuarni suliniummi annertuumik qinngornertigut sunniissutaasumik allannguissannginneranik uppenarsaassutip (suliffiup avataani*

teknikkimut tunngasunut siunnersuisartunut suliassiisutaasup) takutikkaa uppersarsinnaavarput.

Allatut qinigassatut akuersissuteqarnermut iluarsiiissummut atatillugu makkuninnga Greenland Minerals nalunaaruteqarpoq:

1. Akilersinnaassusermut misissuinermi allanngortitami takuneqarsinnaasutut aat-sitassaqaarfik niuernermi iluaqutaasinnaassuseqarpoq.
2. Siuliani pingaarnersiukkatut eqqartukkatut iluseqartillugu, aammalu ilanngussatut ilassutitut uppersaataasumi nassuiarneqartutut aatsitassaqaarfimmik paaanissamik pisinnaatitsiissummik piginnittoq siunertaqarpoq.
3. Akilersinnaassusermut misissuineq allanngortinneqartoq paasissutissanik attuumassuteqartunik tamanik imaqarpoq.
4. Paaaffissatut sumiiffiup killeqarfilersugaanera akilersinnaassusermut misissuinermi allanngortinneqartumi tassani nassuiarneqarpoq.

Ingerlatseqatigiiffiup, soorlu siusinnerusukkut Naalakkersuisoqaarfimmut ilisimatitsissutigineqartutut, Suliniummi flowsheet'imik teknikkip tungaatigut pitsaanerpaanngorsaajuarnissaa Greenland Minerals'ip oqaatigaa.

Qulaani pineqartutut nalunaarutigisamik, aammalu allanngortitatut uppersaassummik taakkuninnga ilaqartinnagu paaanissamut akuersissut pillugu Greenland Minerals'ip qinnuteqaataa (aallaqqaataasumik iluseqartutut, aammalu ilassutitut allatut qinigassatut akuersissuteqarnissamut iluarsiiissummut naleqqiullugu) uppersaassummik nassiunneqareersimasumik tunngaveqartumik nalilerneqarsinnaavoq. Paaanissamut akuersissut pillugu Greenland Minerals'ip qinnuteqaataanut tapersiissutitut nassiunneqareersimasoq Inuiaqatigiinni piujuartitsineq pillugu nalilersuineq (VSB-mut nassuiaat) allatut qinigassatut akuersissuteqarnermut iluarsiiissummut tassunga suliarineqartutut PFS-imut iluarsaassamut sianiginninniarluni allannguutissanik pisariaqartitsinngitsoq immikkut ittumik oqaatigineqassaaq. Tassunga atatillugu PFS iluarsaassaq uranimik tunisassiamik nioqqutigineqarsinnaasumik

*pinngortitsissanngitsoq Greenland Minerals'ip oqaatigaa, tamatumalu nassatarisaanik Naalakkersuisut uranimit royaltiesinik pissarsissanngilaq, aammalu akileraarutini isertitat ikinnerit pissavai, Suliniummit isertitat ikinnerussanerat pissutigalugu.”*

Siuliani pineqartut allannguutit ilanngullugit allatut qinigassatut qinnuteqaat 16. decembari 2022-meersoq qinnuteqaammi 17. juuni 2019-imeersumi suliniummut tassunga tunngasuummat 1. juuni 2023-mi aalajangiussinermi suliamik saqqummiussaqaarneq innersuussutigineqassaaq. Taamaattumik aalajangiussineq taanna tamakkiisumik suliamik saqqummiussinermik imaqaanngilaq, taamaattorli Naalakkersuisut 1. juuni 2023-mi aalajangiussinermi suliamik saqqummiussinermut ilassutitut ilisimatitsissutigisinnaavaat:

Aatsitassat pillugit ingerlatallu tamatumunnga pingaarutillit pillugit Inatsisartut inatsisaat nr. 7, 7. december 2009-imeersup (aatsitassanut inatsisip) akuersissutigineratigut 1. januaari 2010-mi atuutilersutut Namminersorlutik Oqartussat aatsitassanik suliassaqaarfik tiguaat.

Australiami børsimut GM ulloq 1. februaari 2010-mi nalunaarummik nassiussaqaarpoq, imaralugu Kuannersuarni suliniummut tunngasumik ”Pre-Feasibility Study” (”Piareersaatitut Akilersinnaassu-sermik Misissuineq”). Nalunaarummi qupp. 18-imi, immikkoortumi ”Permitting”-imi ilaatigut GMAS-ip tullinnguuttoq nalunaarpaa:

*“Piffissami matumani Kalaallit Nunaanni sutigulluunniit ilusilimmik uranisionermut naaggaarluinnartoqarpoq. Taamaattorli manna tikillugu Kuannersuarni ujaasilluni suliyari-saminut tamanut Greenland Minerals and Energy Aatsitassanut Naalakkersuisoqarfimmit tamakkiisumik akuersissutinik pissarsisimavoq. Ilimmaasap eqqaani aatsitassat akulerussuussat katersuussimaffianni sumiiffimmi avannarlermi immikkut ittutut saviminissanik pisuussutit ingerlatsiviup misissuiffigalugillu nalilersuiffigai. Ulloq manna tikillugu aatsitassanik pisuussutit Ingerlatseqatigiiffiup suussusersisimasai immikkoortunik arlalinnik sananeqaateqarput, imaluunniit polymetalliskiullutik (saviminissat assigiinngiiaartut), aammalu aatsitassanik uranitalinnik imaqaarlutik.*

*Maannakkut malittarisassat najoqqutaralugit Kuannersuarni ulloq manna tikillugu arlalinnik ilaqartutut aatsitassaqaarfiusut*

*iluaqutigineqarsinnaannginnerannik \_\_\_\_\_ paasinnissimalluni  
Ingerlatseqatigiiffik suliaminik isumaginnippoq.  
Akuerineqarsinnaasutut allanngoriartortitsinermut  
pisoqarfusinnaasut aalajangersaaviginiarlugit Ingerlatseqatigiiffik  
oqartussaqaqfinnik attuumassutilinnik tamakkuninnga qanimut  
suleqateqarpoq.” (Uani erseqqissarneqartoq)*

Taamanikkut GM’ip ujaasinermit akuersuussutigisaa 2010-mi taamani akuerisaaqqammersut aat-sitassanut inatsit malillugu sivitsorneqarsimasussaavoq. Ulloq 24. februaari 2010-mi Naalakkersuisut isummernissaannut tunngavissiami aatsitassanut inatsit najoqqutaralugu akuersissummik 2010-02-mik nalunaaruteqarnikkut ujaasinermit akuersissutip sivitsugarinissaanut Naalakkersuisuni akuerseqqusissut aatsitassanut oqartussaasoqarfiup innersuussutigaa. GM’imut akuersissuteqarnermit atugarisassani tunngavissiami manna takuneqarsinnaavoq:

*”Pinngoqqaatinik radioaktiviussunik kulbrintinillu ujaasinermit akuersissut pisin-naatitsinnigilaq. Siusinnerusumi aatsitassaqaqfimmumut piiaanissamut akuersissummumut taakku pisinnaatitaaffeqannginnerminnik ingerlatseqatigiiffiup paasisaqarsimaneranik GME A/S siusinnerusukku allaganngorlugu Aatsitassanut Pisortaqaqfimmumut nalunaaruteqarsimavoq.” (Uani erseqqissarneqartoq)*

Tamatuma kingornatigut 2010-02-mik ujaasinissamut akuersissuteqarfigalugu GM-ip nalunaarfiginissaa Naalakkersuisut akuersissutigaa.

Ulloq 6. aggusti 2010-mi taamanikkut Naalakkersuisut siulitaasuannut, Kuupik Kleistimut allakkiaq GM-ip nassiuppaa, siunnersuutigalugu ingerlatseqatigiiffiup akuersissutaateqarnerani piumasqaataasuni allannguisinnaanermi urani ilanngunneqassasoq aammalu taamatut allannguinerup sumik nassataqarsinnaanera. Allakkiami ilaatigut takuneqarsinnaapput:

*“Ujaasinermit akuersissutip 2017/02-p annertusinissaanut oqartussaasoqarfinit akuerineqartutut ”immikkut ittumik immikkut akuerisaanermik” ilaqartillugu najoqqutassiami annertunerusumik nalilersuuteqarnissamik siunertaqartiinnakkamik uranimik ilanngussaqaqarnissaq ilinnut soorlu eqqaasattut siunissamut aqqaataasinnaavoq, aammalu siunissamut tunngatillugu*

*illua'tungerisanut tamanut paatsugassaanngissuseq qularnaarniarlugu [...].*

*Maannakkut ujaasinermit akuersissutip aamma uranimik ilaqartilerlugu allinissaa misissuinernik erseqqinnerusunik tamakkuninnga naammassisaqarnissamut ingerlatseqatigiiffimmut inatsisitigut pisinnaaffeqarnissamik inissaliivoq, tamannali ingerlatseqatigiiffimmut pii-aanissamik pisinnaatitsinani, tassaavorlu pineqartoq alla assut pingaarutilittut isigisara. Nalilersuinermit ingerlatap taassuma ukiunik marluk-pingasunik sivisussusillup naanerani misissuinerup inernerisaanik tunngaveqarlutik aqqutip sorliup pitsaanerpaassanera soqutigisaqatigiit tamarmik nalilersinnaassavaat. Attuumassuteqassappat piffissami tassani piiaanissamut akuersissut pillugu qinnuteqaat tunniunneqassaaq, paasissutissallu pigineqartut tamaasa tunngavigalugit piiaanissamut akuersissutip qanoq nalunaarutigineqarsinnaanissaa Naalakkersuisut aalajangiussinnaassallugu.* (Uani erseq-qissarneqartoq)

Tamatuma kingornatigut GM'ip ujaasinissamut akuersissutaanut 2010-02-mut nalinginnartut atugassarisanut imm. 709-711-p ilanngunneqarnissaa Naalakkersuisut 9. septembari 2010-mi akuersissutigaat. Tamanna pillugu erseqqinnerusumut aalajangiussineq 1. juuni 2023-meersoq innersuussutigineqarpoq.

Aammattaaq ulloq 22. novembari 2011-mi aatsitassaqaarnermut oqartussaasoqarfiit Naalakkersuisut isummernissaannut tunngavissiaq nassiuppaat, tamatumani GM'ip ujaasinissamut akuersissutaanut tapiliaq 1-imut ilanngussamik Naalakkersuisut akuersissuteqarnissaannut aatsitassaqaarnermut oqartussaasoqarfiit innassutigalugu. Tapiliaq 1-imi aamma GM'ip ujaasinermit akuersissutaata pinngoqaatinik radioaktiviisunik ilaqartilerlugu annertusisinnissaa siunnersuutigineqarpoq. Tamanna pillugu annertunerusumik aalajangiussineq 1. juuni 2023-meersoq innersuussutigineqarpoq.

Siunnersuummut tunngavigisaq GM'ip aamma Naalakkersuisut akornanni ataatsimiinnerni nassaarineqarnissaa Naalakkersuisut isummernissaannut tunngavissiami 22. novembari 2011-meersumi takuneqarsinnaavoq:

*"Naalakkersuisut siulittaasuannik aamma Inuussutissarsiornermut Aatsitassanullu Naalakkersuisumik ataatsimeeqateqarnerni ujaasinermit, ajornanngippallu kingornatigut annertusissutitut*

*suliaqarnerit ingerlateqqinnissaannut ingerlatseqatigiiffiup naammattunik aningaasanik pissarsisinnaannginnera Greenland Minerals and Energyp ilisimatitsissutigaa, tassalu aatsitassaqaarfimmik, ilanngullugit aatsitassanik qaqutigoortunik ingerlatseqatigiiffiup ujaasisinnaanerani paatsuugassaannginnerusumik nalunaarutaasumik tunniussisoqassanngippat.” (Uani erseqqissarneqartoq)*

Tapiliut 1-imut siunnersuummik Naalackersuisut akuersissuteqarnerisa pingaaruteqarnera pillugu tullinnguuttumi takuneqarsinnaavoq:

*”Taamaattumik ingerlatseqatigiiffiup pinngoqqaatinik radioaktiviusunik ujaasinissamut pisinnaatitaaffeqarneranik aalajangiisunik nalinginnartut atugassarisanut, imaluunniit taakku akuersissuteqarnermi atugassarisaannut ilanngussaliinissaq ingerlatseqatigiiffiup qinnutigisimavaa. Aammattaaq akuersissuteqarnermut atugassarisani taamatut pisoqassanerani tamatuma aalajangiussaansaa ingerlatseqatigiiffiup akuersaarlugu nalunaarutigisimavaa, tassalu piiaanissamut akuersissummut Naalackersuisut akuersissummik tunniussinissamik itigartitsinissaminnut pisinnaatitaaffeqarnerannik. Taamatut itigartitsissuteqarneq qanorluunniit ittumik tunngaviliissummik, ilanngullugillu politikkikkut sianigisassanik peqartillugu tunniunneqarsinnaavoq.” (Uani erseqqissarneqartoq)*

Tapiliaq 1-ip *”iluaquteqarnissamut akuersissummik ingerlatseqatigiiffiup pisinnaatitaaffigisassanik sumilluunniit imaqaassannginnera”*-ta qularnarnissaa siunertaralugu oqartussaasoqarfiit inatsisilerituuannik aatsitassaqaarnermut oqartussaasoqarfik siunersiuisimasoq aamma tunngavissiami takuneqarsinnaavoq.

Tapiliaq 1-imut tunngatillugu inassutaasoq Naalackersuisut akuersissutigaat, tamannalu 2011-mi decembarimi GM-imut nalunaarutigineqarpoq.

Aalajangiussinermi 1. juuni 2023-meersumi nassuiarneqartutut Inatsisartuni ulloq 24. oktobari 2013-imi tunngavigisassatut aalajangiussassamut siunnersuutip aappassaaneernerani uranimut naaggaarlunnarnermut politikki atuukkunnaarsitaavoq. Tamanna sioqqullugu taamanikkut Inatsisartuni ulloq 17. septembari 2013-imi apeqqutip nr. 167-ip akissuteqarfiginerani Inuussutissarsiornermut, Aatsitassanut Suliffeqaarfimmullu Naalackersuisup, Jens



Erik Kirkegaardip oqaatigaa siuliani eqqartorneqartutut atugassarisat "aamma akuersissutillit tamakku atuinissamut akuersissummik nalunaaruteqarfigineqarnissamut pisinnaatitaaffeqartumut pisinnaatitaaffimmik tunisinngillat akuutissanik radioaktiviusunik qinngornerit imarisaat pinngortitamit tunuliaqutaasumi annertussutsit qaangersimassappatigit."

Inuussutissarsiornermut, Aatsitassanut Suliffeqarfimmullu Naalakkersuisup, Jens Erik Kirkegaardip taassuma Inatsisartuni uranimut naaggaarluinnarnissamut politikkip atorunnaarsinneranut atatillugu saqqummiuppa Inuussutissarsiornermut, Aatsitassanut Suliffeqarfimmullu Naalakkersuisoqarfimmit nassuiaat 23. oktobari 2013-imeersoq, GM-erpiaap immikkut ittumik akuersissutaani atugassarisanik paasisaqarneq pillugu, iluseralugit nalinginnartut atugassarisani imm. 709-711, kiisalu ujaasinissamut akuersissummut 2010-02-mut tapiliut 1.

Taassuma taaguutaa tassaavoq "Redegørelse om tillæg til standardvilkårene september 2010 vedrørende afsnit 709-711 og tillæg nr. 1 til tilladelse 2010/02 for et område ved Kuannersuit i Sydvestgrønland" ("Kitaata Kujataani Kuannersuit eqqaanni sumiiffimmut akuersissut 2010/02-mut imm. 709-711-mut, aamma tapiliut nr. 1-imut tunngatillugit nalinginnartut atugassarisanut septembari 2010-meersunut tapiliut pillugu nassuiaat"). Nassuiaammi ilaatigut nalinginnartut atugassarisanut imm. 709-711-mik ilanngussaqaarnerup tunuliaqutaa pillugu makkuninnga allassimasoqarpoq:

*"Kitaata Kujataani Kuannersuit eqqaanni sumiiffimmut ujaasinermit kisermaassisinnaatitaanermik pilittut ujaasinissamut akuersissut 2010/02-mik (siornatigut 2005/28-mik) sivitsuinissamik ingerlatseqatigiiffik Greenland Minerals & Energy A/S ulloq 21. aprili 2010-mi nalunaarfigineqarpoq. Taamanikkut atuuttuni nalinginnartut atugassarisani ujaasinissamut akuersissut 2005/28 nalunaarutigineqarsimavoq. Akuersissummiupput nalinginnartut atugassarisani imm. 1-imi nalunaarneqartutut aatsitassat atortussiat. Taamaalilluni akuersissummi ilaangillat pinngoqqaatinik radioaktiviusunik ujaasinerit.*

*Piiaalluni ingerlatsinermit arlariinnik ilaqartutut aatsitassaqaarfimmi ujaarisatut aatsitassat qaqutigoortut pinngoqqaatinik radioaktiviusunik ilaqartinnagit piiarneqarsinnaannginnerannik misissueqqissaarinerit uppernarsaavigisimagaat Greenland Minerals and Energy-p allakkatigut 9. aggusti 2010-meersutigut ilisimatitsissutigaa [...]*

*Taamaattumik ujaasinissamut akuersissutitut Nalinginnartut atugassarisat toqqammavigisaasa iluini misissuinerit akuerisat suunissaasa toqqammavissaannik erseqqinnerusumik nassuiaateqarnissaq pisariaqartinneqarsimavoq.*

*Pineqartoq tassaasimavoq tamatigoortut ajornartorsiutaasoq, kisimiilluni Kuannersuarni arlariinnik ilaqartutut aatsitassaqaarfimmut tunngasuunngitsoq [...]*

*Immikkoortut nutaat taakku, 709-711, ilanngullugit ujaasinissamut akuersissutitut nalinginnartut atugassarisanut ilanngussat Naalakkersuisut tamatuminnga tunngaveqarlutik 9. septembari 2010-mi akuersissutigaat.” (Uani erseqqissarneqartoq)*

Ujaasinerit akuersissummut tapiliut 1-imik akuersissuteqarnissaq pillugu aatsitassarsiornerit oqartussaqaarfiit Naalakkersuisunut siunnersuutaat pillugu tunngavigisaq nassuiaammi tullinnguuttumi takuneqarsinnaavoq:

*”Akuersissutit pissarsiap kingornatigut nalinginnartut atugassarisanut 709-711-mut ilan-ngussat taakku nutaat malittaralugit ingerlatseqatigiiffiup ujaasineq ingerlateqqippaa.*

*2011-mi oktobarimi Naalakkersuisut Siulittaasuat, aamma inuussutissarsiornerit aamma aatsitassanut Naalakkersuisuni ilaasortat ujaasinerit siuarsarnej pillugu ilisimatitsiniarlutik ingerlatseqatigiiffimmi Greenland Minerals and Energy A/S-imi siulersuisunik ataatsimeeqateqarput [...]*

*Ujaasinerit, ajornangippallu kingornatigut annertusissutitut suliaqarnerit ingerlateqqinnissaannut ingerlatseqatigiiffiup naammattunik aningaasanik pissarsisinnaannginnera Naalakkersuisut siulittaasuannik aamma inuussutissarsiornerit aatsitassanullu Naalakkersuisumik ataatsimeeqateqarnermini Greenland Minerals and Energy ilisimatitsissutigaa, tassalu aatsitassaqaarfimmik, ilanngullugit aatsitassanik qaqutigoortunik ingerlatseqatigiiffiup ujaasisinnaanerani paatsuugassaannginnerusumik nalunaarutaasumik tunniussisoqassanngippat.”*

Tamatuma kingornatigut GM-ip ujaasinissamut akuersissutaanut 2010-02-mut Naalakkersuisunit akuerisaasutut tapiliut 1-imut tunngavigisaq, aamma taassuma pingaaruteqassusia pillugit makkuninnga allassimasoqarpoq:

*"Ujaasinermik ingerlatarisap nangeqqissinnaanissaata qularnaarnissaa siunertaralugu akuersissummut allakkamut ilanngussinissaq oqaluuserineqarpoq, taassumalu periarfississavai suliarisat nanginnissaanut aningaasaliissutinik pissarsiniarnerit, aammalu VVM-imik, peqqissusermut misissuinernik, VSB-mik aamma akilersinnaassusermut misissuinernik naammassinninnissat.*

*Tamatuminnga tunngaveqarlutik ingerlateqatigiiffimmut akuersissummut allakkamut tapiliut tullinnguuttoq Naalakkersuisut akueraat*

[...]

*Ingerlatseqatigiiffik pinngoqqaatinik radioaktiviusermut ujaasinissamut pisinnaatitaaffissaanik tapiliutip tunivaa. Taamaalisukkut piiaanissamut akuersissummik Naalakkersuisut itigartitsisinnaanermimmut pisinnaatitaaffeqarnerat tapiliutip aalajangerpa. Taamatut itigartitsissuteqarneq qanorluunniit ittumik tunngaveqartumik, politikkikkut sianigisassat ilanngullugit, nalunaarutigineqarsinnaavoq. Tamatuminnga ingerlatseqatigiiffik paasinninnerminik nalunaarpoq." (Uani erseqqissarneqartoq)*

1. juuni 2023-mi aalajangiussinermi eqqaaneqartutut ilaatigut taamanikkut Aatsitassanut Naalakkersuisumit, Randi Vestergaard Evaldsenimit, Inatsisartuni ilaasortamit, Múte B. Egedemit § 37-mut tunngasutut apeqqutaanut nr. 2016-115-imik akissuteqarnerani ulloq 13. maaji 2016-imi siuliani pineqartutut akuersissuteqarnermut atugassaasut suli atuuttuunerat uppersarsarneqarput.

Aammattaaq Inatsisartuni ilaasortamit, Múte B. Egedemit apeqqutinik arlalinnik, taamanikkut Aatsitassanut Suliffeqarfimmullu Naalakkersuisup, Erik Jensenip Inatsisartuni § 37-mut tunngasutut apeqqut nr. 2019/266-imik akissuteqarnerani GM'imut immikkut ittutut akuersissuteqarnermut atugassarisat sammeqqinneqarput. Taamaalilluni GM'ip immikkut ittutut akuersissuteqarnermut atugassarisai pillugit aatsitassaqarnermut oqartussaasoqarfiit nassuiaataannut 23. oktobari 2013-imeersumut innersuussilluni Múte B. Egede apeqquteqaqqippoq GM'ip immikkut ittutut

akuersissuteqarnermut atugassarisai suli atuuttuunersut, tamatuminnгалu taamanikkut Naalakkersuisup taamaannerarlugit akissuteqarfigai.

#### **4. TUSARNIAANERUP INGERLANERA**

Allakkani 27. juli 2023-meersuni Aatsitassanut Inatsisillu Atuutsinneqarnerannut Naalakkersuisoqarfiup GM-ip Kuannersuarni allaanerusumik piiaanissamut akuersissummik qinnuteqaataa pillugu aalajangiinissamut missingiut nassiuppaa. GM oqaaseqaatissaqarpat taakkua ulloq 27. juli 2023 aallarnerfigalugu sapaatit akunnerisa marluk iluanni taakkua tignussaata Naalakkersuisut piumasaraat.

Tamatuma kingorna GM-ip allaanerusumik piiaanissamut akuersissummik qinnuteqaataata suliarineqarneranut tunngatillugu allakkiani paasissutissanilu tamaginni allagaatinik takunninnissaq GM-ip ulloq 2. august 2023 Naalakkersuisoqarfimmut qinnutigaa. GM-ip tassunga atatillugu Naalakkersuisoqarfiup taanna naammassillugu suliarereernissaata tungaanut, ingerlatseqatigiiffiup qinnuteqaataata 16. december 2022-meersup suliarineqarnerata kinguartinneqarnissaa qinnutigaa

Ulloq 18. august 2023 qinnuteqarneq 2. august 2023-meersaq tunngavigalugu allagaatinik takunninnissaq pillugu Naalakkersuisoqarfik aalajangiivoq. Kiisalu GM-ip qinnuteqaataa 16. december 2022-meersaq pillugu aalajangiinissamut missingiummut oqaaseqaatissaqaruni, taakkua ulloq 18. august 2023 aallarnerfigalugu sapaatit akunnerisa marluk iluanni oqaaseqaatiminik GM nassiusseqqullugu, aalajangiinermi 18. august 2023-meersumi Naalakkersuisoqarfiup qinnuigaa.

Allakkani 1. september 2023-meersuni GM aalajangiinissamut missingiummut 27. juli 2023-meersumut oqaaseqaateqarpoq.

#### **5. INATSIITIGUT TUNNGAVIGISAT**

Ujaasinissamut akuersissut 2010-02 tunngavigalugu piiaanissamut akuersissummik qinnuteqaammut tunngatillugu aalajangiussami 1. juuni 2023-meersumi nalunaarsugaasut innersuussutaapput.

## 6. TUNNGAVILIINEQ

### 6.1 Naak uranimut naleqqiullugu aatsitassanut atortussiassanut allanut qinnuteqaat tunngatinneqaraluartoq allatut qinigassatut piiaanissamut akuersissut pillugu qinnuteqaat urani pillugu inatsimmi ilaavoq

Uranimik misissueqqaarnerup, ujaasinerup, piiaanerullu inerteqqutaanerat, urani pillugu inatsimmi § 1, imm. 1-ip aalajangiuppai. Urani pillugu inatsimmi § 1, imm. 2 malillugu pisuussutaasumi tamarmiusumi tassani uranimik agguaqatigiissitatut imarisaq 100 ppm-ip ataani oqimaassuseqassappat uranimut naleqqiullugu misissueqqaarnerup, ujaasineq, piiaanerlu allanut tunngatitaassappat imm. 1-imi aalajangersagaq atuutissanngilaq.

Inatsimmi siunnersuutaasumi, uranimut inatsimmut tunngaviusumi, saqqummivoq, inerteqqummi atuutsinneqalersumi kissaatigineqarmat uranip avatangiisinut siamarteriataarsinnaanerata pinngitsoortinnissaa. Taamaattorli uranimut naleqqiullugu allanut tunngatillugit aatsitassarsiornermik suliaqarnerit akuerineqassapput, tassalu pisuussutaasoq taamaallaat annitsuaraannarmik uranitaqassappat, tassaalluni oqimaassutsimik tunngavilimmik uranimut 100 ppm-imum (parts per million – millionikkaanut immikkoortukkaat) killiliissutitut naleqassuseq, assigalugu 0,01 pct-iuppap. Inatsisip siunertaanik qularnaarinarluni oqimaassusermik 100 ppm-imum killiliissutitut naleqassutsit naammaginartumik appassisuuneri inatsisiliortup nalilersimavai, taamaalisukkullu suliniutit, uranip pinngortitami ungataanit qinngorneranut naleqassutsinik tamakkuninnga qaangiiffiginngisai suli piviusunngortinneqarsinnaassapput.

Taamaallilluni uranip aniatinneqarsinnaaffigisaanik aatsitassarsiornermik ingerlatsinermit atasunik aarleqqutaasunik nungusaanissaq pillugu aalajangiussinermi uranimik piiaanermut urani pillugu inatsimmi inerteqqusissut tunngaveqartuuvuq. Aatsitassanik suliaqarfimmuut inatsisiliortuusutut Inatsisartut piginnaasaqarfianniippoq uranimut piiaanissap inerteqqutiginnissaanik akuersissuteqartarnerup, aallaavigalugu aarleqqutaasunik annikillisaaginnarnissaq pinnagu aammali uranimut piiaanermut attuumassutilinnik aarleqqutaasunik nungutitsinissamut tunngavigisaq.

Qulaani nalunaarsugaasunit nassatarisaavoq aatsitassarsiornermut suliarisat, uranimut naleqqiullugu allanut tunngasuusut urani pillugu inatsimmut unioqqutitsissasut, pisuussutaasumi uranimut agguaqatigiissillugu imarisaq 100 ppm-mik uranimut killiliussatut naleqassuseq qaangissappagu.

Aalajangiinermi 1. juni 2023-meersumi allassimasutut, qinnuteqaammut 17. juuni 2019-imeersumut VVM-imut nalunaarusiami suliniummut nassuiaammi, akuersissuteqarfittut sumiiffiusumi aatsitassap uranimik 300 ppm-it tungaannik imaqartuunera aalajangiussami 1. juuni 2023-meersumi nalunaarqartutut takuneqarsinnaavoq. 16. decembari 2022-mit allatut qinigassatut qinnuteqaatikkut akuersissuteqarfittut sumiiffik allanngortitaq pillugu qinnuteqartoqanngilaq, taamaattumillu pisuussutaasup uranimik agguaqatigiissitatut imarisaata 300 ppm-it tungaanniinnissaa suli tunngaviliissutaavoq. Isumalluut uranimik agguaqatigiissillugu 300 ppm missaannik akoqartoq, GM-ip tusarniaanermut akissuteqaammini 1. september 2023-meersumi aamma uppernarsarpa.

Uranimut naleqqiullugu aatsitassanut allanut suliaqarneq sammitinneqaraluortoq piiaaneq urani pillugu inatsimmi § 1, imm. 2-mi killiliussatut naleqassutsip ataanut inissisimangilaq. Taamaattumillu suliniut urani pillugu inatsimmi paasinninnermi uranimik piiaanermik nassataqarpoq, aammalu § 1, imm. 2-mi killiliussatut naleqassusermik tamanna qaangiilluni, tamatuminnigalu tunngaveqarluni akuersissuteqarnermik nalunaaruteqarnissaq urani pillugu inatsimmi § 1, imm. 1-imut akeryliliissaaq.

Taamaalilluni piiaareernikkut uranip tuniniarneqarsinnaasutut tunisassianngorlugu tunisassiarinera, assartornera, nioqqutigeneralu pinnagit tailingsitut ('qalipakutut') toqqortarineqarnissaa pillugu qinnuteqaammi 16. decembari 2022-meersumi nalunaarsukkap urani pillugu inatsimmi § 1-imi, aamma GM'ip akuersissuteqarnermut atugassarisaani taamatut paasineqartussatut uranimik piiaanissamik qinnuteqaatip nassataqarneranik allannguuteqartitsinngilaq. Atortussiassat niuerutigalugit tuniniarneqartussatut eqqarsaatigineqartut uranimik akoqarnerat 0 ppm missaanniissasoq ilimanartoq, GM-ip tusarniaanermut akissuteqaataani 1. september 2023-meersumi allassimasoq, suliami aalajangiinissamut allatigut attuumassuteqanngilaq, uranimut inatsimmi killissaliussap piiaanermik suliaqalinnginnermi isumalluummut attuumassuteqarenera pissutigalugu.

Taamaalilluni Kuannersuarni suliniummut piiaanissamut akuersissut pillugu qinnuteqaat, 16. decembari 2022-meersoq § 1-imi uranimik misissueqqaarnermut, ujaasinermut, piiaanermullu urani pillugu inatsimmi inerteqqutaasumut ilaavoq. Naak urani pillugu inatsisip atuutilerana sioqqullugu Kuannersuarnut suliniummut ujaasinissamut akuersissut 2010-02 nalunaarutigineqaraluortoq tamanna atuuppoq, takuuk urani pillugu inatsimmi § 5, imm. 2. Inatsimmi § 2-imi inerteqqutaasumut immikkut akuersissutinik nalunaaruteqarnissamut urani pillugu inatsimmi periarfissaqanngilaq.

## **6.2 Allatut qinigassatut iluaquteqarnissamut akuersissummut itigartitsissut tassaangilaq pinngitsaaliissutitut piginnikkunnaarsitsineq**

Urani pillugu inatsisiliornermut sioqqutsilluni suliarisani allassimavoq inatsit pinngitsaaliissutitut piginnikkunnaarsitsinermut inatsisitut iluseqanngitsoq, taamaattumillu pigisanut pisinnaatitaaffinnik illersugaasunik pinngitsaaliissutitut piginnikkunnaarsitsinissamut tunngavissiisuunani. Tamatuminnga tunngaveqarluni aamma nalunaarsorneqarpoq taamaalilluni akuersissummut itigartitsineq nalunaarutigineqarsinnaanngitsoq, imaluunniit akuersissummik annikillisaalluunniit utertitsisoqarsinnaanngitsoq, tamanna piviusutigut inatsisini tunngaviusuni § 73-imi pigisani illersugaasut ilaanni pinngitsaaliissutitut piginnikkunnaarsitsinertut ittuunissaa naliliiffigineqassappat.

Taamaattorli piaanissamut akuersissut pillugu qinnuteqaammut itigartitsineq tamanna tassaangilaq inatsisini tunngaviusuni § 73-imi imm. 1 malillugu piginnittuunermut pisinnaatitaaffimmi illersugaasut ilaanni akuliunnertut ittoq. Tamatumunnga patsisaavoq pisinnaatitaaffimmut pioreersumut akuliunnertut pissuseqannginnera. Aammattaaq qinnuteqaatip 16. decembari 2022-meersup akuerisaanissaa pillugu naleqquttutut pissusilimmik naatsorsuuteqartoqanngilaq.

Taamanikkut piffissami, aammalu taamanikkut atuuttutut malittarisassiat malillugit aatsitassa qarfirmut piaanissamut akuersissutitup pissarsiarisinaaneranik tunngaveqarluni GM ujaasinissamut akuersissummik 2010-02-mut nalunaarfigineqarnera tamatumunnga atatillugu oqaatigineqassaaq. Tunngavigisamik tassannga GM ilisimannippoq, aammalu taamanikkut uranimut naaggaarluinnarnermut politikkimik atorunnaarsitsineq, aammalu GM-imut akuersissuteqarnermi atugassarisat allanngortinneri GM-ip suliniummik naammassisaqarnissaanut pisarialittut tunngaviusimanagerat Naalakkersuisunut aamma aatsitassa qarfermi oqartussaaso qarfinnut arlaleriarluni oqaatigai.

Aamma uranimut naaggaarluinnarnermut politikkip atorunnaarsinnerata kingornatigut atortussiassatut aatitassa qarfinnik, annertusisamik pinngoqqaatinik radioaktiviusunik imalinnik, ingammillu uranertaqartunik piaanissaq pillugu apeqqut politikkikkut oqallissutaasimavoq, aammalu Inatsisartuni inunnilu amerlanerni ukiut ingerlanerini aatsitassanik suliaassarfirmi ingammik uranimik akuerisatut imarisamut killiliussatut naleqassutsinik eqqussueqqittoqassanersoq taassaangitsunik oqallissutaasarsimavoq.

Aamma GM-ip immikkut ittutut akuersissuteqarnermut atugassarisatigut, ingammik GM-ip ujaasinissamut akuersissutaanut 2010-02-mut nalinginnartut atugassarisani imm. 709-711-mi, kiisalu ujaasinissamut akuersissummut tapiliut 1-ip taamatut ittunik atugassa qarferminut GM aatsitassaatigut piaanissamut

akuersissummik kingusinnerusukkut nalunaarfigineqarnissaminut naleqquttutut pisussatut naatsorsuuteqarsinnaassaneraniq imaqqassanera pillugu.

Matumuuna 2010-mi septembarimi GM-ip ujaasinissamut akuersissutaani 2010-02-mi nalinginnartut atugassarisanik imm. 709-711-mik ilanngussuinikkut pinngortitamit ungataanit qinngornerit qaangerlugit pinngoqqaatinik radioaktiviskiusunik imaqartunik aatsitassanik misissuisinnaassanera aalajangerneqarpoq, taamaalisukkulli pinngoqqaatinik radioaktiviusunik ujaasinnermut piiannermullu akuersissummik nalunaarfigineqarnissamut pisinnaatitsissummik tunniussisuunngilaq.

Aamma nangillugu oqaatigineqassaaq GM-ip ujaasinissamut akuersissutaanut 2010-02-mut tapiliut nr. 1-imik Naalakkersuisut 2011-mi novembarimi akuersissuteqarnerat, tamatumuunalu tapiliummi imm. 102-mi tamatuma kingornatigut pinngoqqaatit radioaktiviusut aamma GM-ip ujaasinissamut akuersissutaani ilaalerput. Akuersissutip pinngoqqaatinik radioaktiviusunik aamma ilaqartilerlugu allineratigut pinngoqqaatinik radioaktiviusunik piiannissamut akuersissummik GM-imut pisinnaatitaaffimmik tunniussaqaannginneranik tapiliut 1, imm. 201-202-mi aalajangiunneqarnera Naalakkersuisut taamaalisukku akuersissutigaat. Tamanna tapiliummi imm. 304-mi uteqqinneqarpoq. Taamaalisukku pinngoqqaatit radioaktiviusut piiannissaannut akuersissuteqarnissaaq pillugu qinnuteqaammik itigartitsissummik Naalakkersuisut kiffaangissuseqarlutik, aamma tunngavissiissuteqaratik nalunaaruteqarsinnaanissaat tapiliummi imm. 302-mi aalajangiunneqarpoq

Pinngortitamit ungataanit qinngornerit nalingi qaangerlugit aatsitassanut uranitalinnut piiannissamut akuersissummik GM-imut akuersissuteqarnermut atugassarisanik pisinnaatitaaffimmik tunniussaqaanngitsut atugassarisanik taakku nassataraat.

Taamaallit taamanikkut atuuttumik uranimik naaggaarlunnarnermut politikkimut atugassarisanik aamma naapertuuttuusimapput, tamatumunnga aalajangiussinnermi 1. juuni 2023-meersumi erseqqinnerusutut nassuiarneqarneratuulli. Tunngavigisami tassani GM-imut akuersissuteqarnissamut atugassarisanik allannguutit pineqartut Naalakkersuisut aamma akuersissutigaat.

Uranimut naaggaarlunnarnermut politikkimik, aammalu GM-ip immikkut ittutut akuersissuteqarnermut atugassarisanik paasinninneq Inuussutissarsiornermut, Aatsitassanut Suliffeqarfimmullu Naalakkersuisoqarfiup 23. oktobari 2013-imi suliarisaani "Redegørelse om tillæg til standardvilkårene september 2010 vedrørende afsnit 709-711 og tillæg nr. 1 til tilladelse 2010/02 for et område ved Kuannersuit i Sydvestgrønland"-imi ("Kitaata Kujataani Kuannersuit eqqaanni sumiiffimmik akuersissut 2010/02-mut imm. 709-711-mut, aamma tapiliut nr. 1-



imut tunngatillugit nalinginnartut atugassarisanut septembari 2010-meersunut tapiliut pillugu nassuiaat"-mi) aamma nassuiarneqarsimavoq.

Taamaalilluni aatsitassaqaarfimmut pīaanissamut akuersissummik nalunaaruteqaarnissamut taamaalillutik Naalackersuisut imminnut pisussaaffilertinnagit suliniummut sumiiffiusumi aatsitassanik annertuunik aatsitassaqaartaqaarfiusunut (aatsitassat qaqutigoortut saviminissartaannut) avatangiisinut, peqqissutsimut, isumannaallisaanermullu tunngatillugit isumannaassusilimmik pīaasoqarsinnaanera pillugu GM-imut immikkut ittutut akuersissummi atugassarisaasuni ilisimasanik pissarsiniarneq siunertarjneqarsimavoq. Tamanna tassaasimavoq GM-imut ilisimaneqartutut akuerisaasutullu tunngavigisassiaq.

Taamatuttaa 2013-imi oktobarimi uranimut naaggaarlunnarnermut politikkimik Inatsisartut atorunnaarsitsinerannut tunngavigisassiaq tassaasimavoq aatsitassaqaarnermik suliaasaqaarfimmi akuersissutit tamarluinnaasa atugassarisani ima ittuni nalunaarutigineqarsimanissaat, tassalu pinngortitami ungataanit qinngornerni naleqassutsinik qangiillutik atortussat radioaktiviunuk imaqaassappata pisinnaatitsissutinik piginnittut arlaannaalluunniit pīaanissamut akuersissummik nalunaarfigineqarnissaminnut pisinnaatitaaffeqassannginnerat, aammalu atorunnaarsitsineq tassaasoq tunngavigisassatut aalajangiussineq, akuersissutinut tigussaasunut arlaannaannulluunniit sunniuteqartuunngitsoq.


Aamma ukiuni tullinnguuttuni taakkunani aatsitassarsiornermik suliaasaqaarfimmi naalackersuisunit taarseraattunit GM-ip immikkut ittutut akuersissuteqaarnermut atugassarisai, aammalu nassuiaammi 23. oktobar 2013-meersumi nassuiarneqartut sulia atuuttuunerat arlaleriartumik uppersarsarneqar-tarsimavoq.

Aamma suliamik ingerlatsinerup sinneri aatsitassaqaarfimmut pīaanissamut akuersissutip nalunaarutiginnissaa pillugu naleqquttumik pissutilimmik naatsorsuuteqartoqaassaneranut tunngavissiiingillat.

Tamakkuninnga tunngaveqarlutik qinnuteqaat 16. decembari 2022-meersoq itigartissutigalugu Naalackersuisut nalunaarutigat, pīaanissamut akuersissutip nalunaarutiginnissaa urani pillugu inatsimmi § 1, imm. 1-imut akerliummat. GM-ip tusarniaanermut akissuteqaataani 1. september 2023-meersumi allasimasut allatut inerniliinissamik malitseqarsinnaanngillat.

Taamaalillutik qinnuteqaammik akuersissuteqarneq, avatangiisinik illersuineq, silap pissusianik illersuineq, aamma pinngortitamik illersuineq pillugit aatsitassanut inatsimmi malittarisassianut naapertuuttuussanera, imaluunniit tusarniaanermut akissutit takkussimasut ilanngullugit GM-ip VVM-imut aamma VSB-mut nalunaarusiat tamatuminnga nalilersuuteqarnermut naammaginatumik tun-ngaviussanerat Naalakkersuisut tamatumuunakkut isummerfigisimangilaat.

Inussiarnersumik inuulluaqqusillunga  
Med venlig hilsen  
Kind regards



Naaja H. Nathanielsen  
Naalakkersuisoq for Finanser,  
Ligestilling, Råstoffer og  
Justitsområdet



Jørgen T. Hammeken-Holm  
Departementschef  
Departementet for Råstoffer  
og Justitsområdet